



ს ა ქ ა რ თ ვ ე ლ ო
ლენტეხის მუნიციპალიტეტის საკრებულო
G E O R G I A
CITY COUNCIL OF LENTEKHI MUNICIPALITY



ოქმი: 97.9725084001

თარიღი: 25/03/2025

ლენტეხის მუნიციპალიტეტის საკრებულოს

ბიუროს სხდომის

ოქმი - N04

დ. ლენტეხი 19 მარტი 2025 წ

მიმდინარე წლის 19 მარტს დღის 12 საათზე ჩატარდა ლენტეხის მუნიციპალიტეტის საკრებულოს ბიუროს სხდომა. სხდომას უძღვებოდა საკრებულოს თავმჯდომარე გიორგი გაზდელიანი. სხდომის თავმჯდომარემ აღნიშნა, რომ ბიუროს სხდომას ესწრება ბიუროს 11 (თერთმეტი) წევრი. საპატიო მიზეზით არ ესწრებოდა 7 (შვიდი) წევრი.

მოწვეული სტუმრებიდან სხდომას ესწრებოდნენ: ლენტეხის მუნიციპალიტეტის მერის მოადგილე ზვიად ლობჯანიძე, მერიის პირველადი სტრუქტურული ერთეულების ხელმძღვანელები ლევანი ლიპარტელიანი, ბახუკი გაზდელიანი და ტარიელ აფაქიძე.

ბიუროს სხდომას ესწრებოდა საკრებულოს აპარატის უფროსი მაყვალა ჩანქსელიანი.

ბიუროს სხდომის თავმჯდომარემ აღნიშნა, რომ საკრებულოს კომისიების მიერ განხილული და მომზადებული იქნა საკითხები. შესაბამისად მათი მომართვების საფუძველზე მომზადდა მორიგი სხდომის დღის წესრიგის პროექტი, რომელიც უნდა დავაიმტიოთ ბიუროს სხდომაზე.

ბიუროს წევრებს გააცნო მორიგი სხდომის დღის წესრიგის პროექტი.

1. ლენტეხის მუნიციპალიტეტის მერის ანგარიში 2024 წელს გაწეული მუშაობის თაობაზე.

/მომხს: ლენტეხის მუნიციპალიტეტის მერი გია ონიანი/

2. „ლენტეხის მუნიციპალიტეტის 2025 წლის ბიუჯეტის დამტკიცების შესახებ“ ლენტეხის მუნიციპალიტეტის საკრებულოს 2024 წლის 27 დეკემბრის N-20 დადგენილებაში ცვლილების შეტანის თაობაზე.

/მომხს: მერიის საფინანსო სამსახურის უფროსი ტახუ ჩანქსელიანი/

3. „ლენტეხის მუნიციპალიტეტის ტერიტორიაზე გარე ვაჭრობისა და ბაზრობების რეგულირების წესის დამტკიცების შესახებ“ ლენტეხის მუნიციპალიტეტის საკრებულოს 2025 წლის 20 თებერვლის N03 დადგენილებაში ცვლილების შეტანის თაობაზე.

/მომხს: ლენტეხის მუნიციპალიტეტის საკრებულოს თავმჯდომარის მოადგილე მევლუდ ლიპარტელიანი/

4. 2025 წელს ლენტეხის მუნიციპალიტეტში განსახორციელებელი ინფრასტრუქტურული პროექტების ნუსხის მოწოდების თაობაზე.

/მომხს: ლენტეხის მუნიციპალიტეტის მერის მოადგილე ზვიადი ლობჯანიძე/

5. „ ლენტეხის მუნიციპალიტეტის მერიის პირველადი სტრუქტურული ერთეულის ზედამხედველობის სამსახურის დებულების დამტკიცების შესახებ” ლენტეხის მუნიციპალიტეტის საკრებულოს 2023 წლის 31-იანვრის N-2 დადგენილებაში ცვლილების შეტანის თაობაზე.

/მომხს: ლენტეხის მუნიციპალიტეტის მერიის იურიდიული სამსახურის უფროსი ტუღუ აფაქიძე/

6. ლენტეხის მუნიციპალიტეტის საპრივატიზაციო ქონების ნუსხის დამტკიცების თაობაზე.

/მომხს: საკრებულოს ქონების მართვისა და ბუნებრივი რესურსების საკითხთა კომისიის თავმჯდომარე დალი ტვილდიანი/

შენიშვნა დღის წესრიგის პროექტთან დაკავშირებით არ ყოფილა.

1. მოისმინეს: სხდომის თავმჯდომარემ აღნიშნა, რომ პირველ საკითხს არ ვინილავთ ბიუროს სხდომაზე და წარმოდგენილი სახით გავა საკრებულოს მორიგ სხდომაზე.

2. მოისმინეს: ლენტეხის მუნიციპალიტეტის საკრებულოს საფინანსო-საბიუჯეტო კომისიის თავმჯდომარემ ლაშჩივა გუგავამ ბიუროს წევრებს გააცნო საკითხი - „ლენტეხის მუნიციპალიტეტის 2025 წლის ბიუჯეტის დამტკიცების შესახებ“ ლენტეხის მუნიციპალიტეტის საკრებულოს 2024 წლის 27 დეკემბრის N-20 დადგენილებაში ცვლილების შეტანის თაობაზე.

მომხსენებელმა აღნიშნა, რომ საქართველოს მთავრობის N-146 განკარგულებით საჯარო სკოლების მოსწავლეთა ტრანსპორტირებით უზრუნველყოფის მიზნით გამოყოფილი 354,332,52 ლარის და 2025 წლის 28 თებერვლის N-382 განკარგულებით მიზნობრივად გამოყოფილი 20,000 ლარის ბიუჯეტში ასახვის მიზნით უნდა შევიდეს ცვლილება „ლენტეხის მუნიციპალიტეტის 2025 წლის ბიუჯეტის დამტკიცების შესახებ“ ლენტეხის მუნიციპალიტეტის საკრებულოს 2024 წლის 27 დეკემბრის N-20 დადგენილებაში.

შენიშვნა საკითხთან დაკავშირებით არ ყოფილა.

სხდომის თავმჯდომარემ საკითხი დააყენა ღია კენჭისყრაზე.

ღია კენჭისყრის შედეგით:

მომხრე -11

წინააღმდეგი -0

გადაწყვიტეს: საკითხი - „ლენტეხის მუნიციპალიტეტის 2025 წლის ბიუჯეტის დამტკიცების შესახებ“ ლენტეხის მუნიციპალიტეტის საკრებულოს 2024 წლის 27 დეკემბრის N-20 დადგენილებაში ცვლილების შეტანის თაობაზე გატანილი იქნას საკრებულოს მორიგ სხდომაზე.

3. მოისმინეს: ლენტეხის მუნიციპალიტეტის საკრებულოს თავმჯდომარის მოადგილემ მეგლუდ ლიპარტელიანმა ბიუროს წევრებს გააცნო დადგენილების პროექტი - „ლენტეხის მუნიციპალიტეტის ტერიტორიაზე გარე ვაჭრობისა და ბაზრობების რეგულირების წესის დამტკიცების შესახებ“ ლენტეხის მუნიციპალიტეტის საკრებულოს 2025 წლის 20 თებერვლის N03 დადგენილებაში ცვლილების შეტანის თაობაზე.

მომხსენებელმა განმარტა, რომ აღნიშნული დადგენილება მიღებული იქნა მიმდინარე წლის 20 თებერვლის სხდომაზე. მთავრობის ადმინისტრაციიდან შემოვიდა სამართლებრივი ხასიათის შენიშვნები, ეს შენიშვნები გავითვალისწინეთ და წარმოდგენილია დადგენილების პროექტი ახალი რედაქციით:

მუხლი 1. შევიდეს ცვლილება „ ლენტეხის მუნიციპალიტეტის ტერიტორიაზე გარე ვაჭრობისა და ბაზრობების რეგულირების წესის დამტკიცების შესახებ“ ლენტეხის მუნიციპალიტეტის საკრებულოს 2025 წლის 20-თებერვლის N-03 დადგენილებით დამტკიცებულ წესში შემდეგი სახით:

1. დადგენილებით დამტკიცებული წესის მე-2-ე მუხლის „გ“-ქვეპუნქტი ამოღებულ იქნას;

2. წესის მე-5-ე მუხლის მე-4-ე პუნქტი ჩამოყალიბდეს შემდეგი რედაქციით:

„4. აკრძალულია მალფუჭებადი საკვები პროდუქტებით (ხორცი, ხორცის პროდუქტები, რძე, რძის პროდუქტები, თევზი, შეუფუთავი საკონდიტრო ნაწარმი, პური, სუნელები და სანელებლები) გარე ვაჭრობა“.

საკითხთან დაკავშირებით შენიშვნა არ ყოფილა.

ღია კენჭისყრის შედეგით:

გადაწყვიტეს : დადგენილების პროექტი წარმოდგენილი სახით გატანილი იქნას საკრებულოს მორიგ სხდომაზე.

4. მოისმინეს: ლენტეხის მუნიციპალიტეტის მერის მოადგილემ ზვიადი ლობჯანიძემ ბიუროს წევრებს გააცნო განკარგულების პროექტი - 2025 წელს ლენტეხის მუნიციპალიტეტში განსახორციელებელი ინფრასტრუქტურული პროექტების ნუსხის მოწონების თაობაზე.

მომხსენებელმა აღნიშნა, რომ ყველა ეს პროექტი შერჩეულია მოსახლეობის შეხვედრების და ინტერესების გათვალისწინებით.

საკითხთან დაკავშირებით იყო აზრთა სხვადასხვაობა. თავისი აზრი გამოთქვა ზურაბ ონიანმა, რომ მის თქმში არის უფრო სერიოზული პრობლემები მოსაკვარებელი, ვიდრე ამ პროექტშია გათვალისწინებული და კარგი იქნება თუ პროექტის შერჩევამდე მის აზრსაც გაითვალისწინებს მერია.

აზრი გამოტქვა: გიორგი გაბდელიანმა მე-3 პროექტზე ჯიხურებზე აღნიშნა, რომ მორიგი სხდომის დღეს სხდომის ბოლოს მოხდეს პროექტის პრეზენტაცია და დავაზუსტოთ აღნიშნული პროექტი. ამავე დროს აღნიშნა, რომ ზოგიერთი პროექტი, რომელიც გათვალისწინებულია ნუსხაში შეიძლება უფრო ბევრ ბენეფიციარზე ყოფილიყო გათვლილი, მაგრამ რადგანაც მომზადებულია პროექტები, ამიტომ ამ ეტაპზე ხელს არ შევუშლით პროცესს და დავტოვებთ როგორც არის წარმოდგენილი.

აზრი გამოთქვა: ფრაქცია ქართული ოცნება -დემოკრატიული საქართველოს“ თავმჯდომარემ ირაკლი ქურასბედიანმა - მისი, როგორც დაბის მაჟორიტარი დეპუტატის აზრით, კარგია ყველაფერი რაც გაკეთდება, მაგრამ დაბაში ამ ნუსხით გათვალისწინებულ პროექტებზე უფრო მნიშვნელოვანი და პრიორიტეტული პროექტებიც არსებობს.

მომხსენებელმა დააზუსტა, რომ ყველა ეს პროექტი გათვალისწინებული იქნება იმის შემდეგ , როცა დასრულდება შერჩეული პრიორიტეტების დაფინანსება.

ლევანი ლიპარტელიანმა აღნიშნა, რომ ბევრჯერ, როცა არ გვაქვს მზა პროექტები ვკარგავთ შესაძლებლობას ანალი პროექტების დაფინანსების. ამ ეტაპზე ყველა ეს პროექტი მომზადებულია და თუ იქნება შესაძლებლობა დაფინანსების მივიღებთ სერიოზულ კარგ პროექტებს, რომელიც წაადგება ჩვენს მუნიციპალიტეტს.

გარკვეული მჯელობის შემდეგ

ღია კენჭისყრის შედეგით;

შეჯერდნენ, რომ წარმოდგენილი საკითხი გათვალისწინებული იქნას საკრებულოს მორიგი სხდომის დღის წესრიგში.

5. მოისმინეს: ლენტეხის მუნიციპალიტეტის მერიის იურიდიული სამსახურის უფროსმა ტარიელ აფაქიძემ ბიუროს სხდომის წევრებს გააცნო დადგენილების პროექტი -

„ ლენტეხის მუნიციპალიტეტის მერიის პირველადი სტრუქტურული ერთეულის ზედამხედველობის სამსახურის დებულების დამტკიცების შესახებ“ ლენტეხის მუნიციპალიტეტის საკრებულოს 2023 წლის 31-იანვრის N-2 დადგენილებაში ცვლილების შეტანის თაობაზე.

მომხსენებელმა განმარტა, რომ ზედამხედველობის სამსახურს აქვს ორი განყოფილება და მოხდება ფუნქციების გადანაწილება.

დადგენილების პროექტთან დაკავშირებით შენიშვნა და კითხვები არ ყოფილა.

ბიუროს სხდომის თავმჯდომარემ საკითხი დააყენა ღია კენჭისყრაზე.

ღია კენჭისყრის შედეგით:

გადაწყვიტეს: წარმოდგენილი საკითხი გათვალისწინებული იქნას საკრებულოს მორიგი

სხდომის დღის წესრიგში.

6. მოისმინეს: საკრებულოს ქონების მართვის და ბუნებრივ რესურსთა საკითხთა კომისიის თავმჯდომარემ დალი ტვილდიანმა ბიუროს სხდომის წევრებს გააცნო საკითხი: ლენტეხის მუნიციპალიტეტის საპრივატიზაციო ქონების ნუსხის დამტკიცების თაობაზე.

მომხსენებელმა განმარტა, რომ ეს არის უძრავი ქონება - სოფურის მჟავე წყლის ტერიტორია 700კვ.მ და დაბაში ყოფილი საცდელის ტერიტორია., რომ არის დაინტერესება ბიზმესმენის, ჩაიდება ინვესტიცია და გალამაზდება აღნიშნული ტერიტორია.

შეკითხვა საკითხთან დაკავშირებით არ ყოფილა.

სხდომის თავმჯდომარემ საკითხი დააყენა ღია კენჭისყრაზე.

ღია კენჭისყრის შედეგით:

მომხრე -11

წინააღმდეგი -0

გადაწყვიტეს: დამტკიცდეს განკარგულების პროექტი - ლენტეხის მუნიციპალიტეტის საპრივატიზაციო ქონების ნუსხის დამტკიცების თაობაზე გათვალისწინებული იქნას საკრებულოს მორიგი სხდომის დღის წესრიგში.

ბიუროს სხდომის თავმჯდომარემ საკრებულოს მორიგი სხდომის დღის წესრიგის პროექტი დასამტკიცებლად დააყენა ღია კენჭისყრაზე.

ღია კენჭისყრის შედეგით: მომხრე 11

წინააღმდეგი -0

გადაწყვიტეს: დამტკიცდეს საკრებულოს მორიგი სხდომის დღის წესრიგის პროექტი წარმოდგენილი სახით.

ლენტეხის მუნიციპალიტეტის საკრებულოს ბიუროს სხდომა დასრულდა 14საათზე.

გიორგი გაზდელიანი

ლენტეხის მუნიციპალიტეტის საკრებულო-საკრებულოს თავმჯდომარე

გამოყენებულია კვალიფიციური ელექტრონული ხელმოწერა/ ელექტრონული შტამპი

